

Enformaziuns y Comunicaziuns

Calèndri liturgics: Jödapè de dlijia pòn ciafé al prisc de 0,50€ de pici calèndri liturgics, olache al è lassora les letöres y i vagneli por vigne dé dal ann. Cösc dess ester en aiüt por se dé jö cola Sacra Scritöra, y magari se tignì a mont önn en ponsier co s'acompagnëia tla vita da vigne dé. Düc è enviès da anüzé cösta proposta.

Ministróné: En domëgna ai 14 de dezëmber pla gran mëssa vëgnel tut sö i ministróné nös. Dò mëssa è DÜC i minis enviès te salf dles manifestaziuns. Enlò ciararai na bona pasta da marëna, al gnarà inçe fat la tombola y premié le ministront plü lezitont. Chi co tol pert, dess se prenoté pa Carlo al 348/6290572, anter le vëndres ai 12.

Uniun dles Ères: Dan püces edemes èl sté les lites dal consëi nò dla Uniun dles Ères. Cöstes porsones è roades ete: Annamaria Ploner Complojer, Emma Pfeifhofer Rindler, Angela Zingerle Pescollderungg, Annamaria Clara Grünfelder, Cristina Possamai Comploi, Alessandra Cervelli Comploi, Paola Rubatscher Palfrader y Elisabetta Alton Dalla Santa. Le Consëi s'encuntarà en vëndres ai 12 de dezëmber dò rorate, te calogna.

KVW: Le KVW enviëia vëdoi, vëdoes y porsones sores da gnì en sabeda ai 13 de dezëmber dales 14:00 tla Mensa dal KVW da Bornech a na festa d'Advënt. Prenotaziuns y enformaziuns pla raprezentanta dal KVW de paisc (Tresele), çina ai 11 de dezëmber.

Referat: Le Consëi de Formaziun d'La Pli enviëia al referat de Ruppert Gietl sora la pröma vera te nostes vals, cösta domëgna ai 7 de dezëmber ales 10:00, te Čiasa dles Uniuns. Dedò pòn odëi fotografies y d'atres cosses de chi tomps. La mostra romagn daverta ai 7 dales 11:00 ales 12:00 y dales 14:00 ales 17:00, y le lönesc de Santa Maria ai 8 de dezëmber dales 10:00 ales 12:00.

Benedisciun: Signor degan Iaco Willeit enviëia ala benedisciun dla Capela dla Roa de Badia, fata sö a Anvi, sön iniziativa dal ombolt de Badia. La benedisciun è en domëgna ai 14 de dezëmber ales 14:00, söle dé dui agn dò la borta desgrazia co à atoché le paisc. Dò la benedisciun sarà na prozesciun sö Oies y enlò mëssa de rengraziamont.

ASC Mareo: Le ASC Mareo lascia alessëi che tal bar dal ciamp dal sport èl gnü arjigné ete na palestra da fà pëisc, por düc. L'azes è sön abonamont. Por enformaziuns sön i cosc o cô ciafé la tle, pòn cherdé sö Walter Pisching al 339/6877202.

Döt le bun, sanité y benedisciun a
Franz Kaneider, Andram, *08.12.1934

y a düc chi co à santennom y complësc i agn cöst'edema.



Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - čina al dédemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania



福若瑟

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

Secunda Domëgna d'Advënt, ann B, ai 07.12.14 - nr. 2



Arjignédi le tru al Signur!

Dal vangelo dô San Merch, 1, 1 - 8


I te mëni mio anunziadù danfora; al dess te daorì le tru. ³Na usc sraia tal desert: Arjignedi le tru al Signur! Avaliedi les strades! ⁴Ensciö ea loé sö Jan Batista tal desert y pordicà la conversciun y le bato por le pordonn dai picès. ⁵Döta la Iudea y düc i abitané de Ierusalem jea fora da d'ël; ai pissià sü picès y se lascià bacé da d'ël tal Iórdann. ⁶Jan à endos en quant de polan de camel y en ciol de coran encër sü üfs, y al viea de saioc y de mì salvaria. ⁷Al encündà: Do më nen vëgnel önn co è plü gaiërt co iu; iu ne sun nia dën da mo cüfé por ti desciolé i čialzà. ⁸Iu ves à bacé con ega, mo ël ves baciarà con Spirit Sant. **Parora dal Signur. - Lalt a té, Gejù Crist!**

Komm, Herr Jesus!

Der frühchristliche Ruf "Komm, Herr Jesus" ist der Sprung in jene Freiheit und Hingabe, die man zu Recht als die Tugend der Hoffnung bezeichnet. In der christlichen Überlieferung gehört die Hoffnung - mit Glaube und Liebe - zu den göttlichen Tugenden.

Damit ist die vertrauensvolle Bereitschaft gemeint, ein Leben ohne endgültige Lösungen und Antworten zu führen und dabei zufrieden, ja sogar glücklich zu sein, weil wir Erfüllung von einer anderen Ebene erwarten und auf die Quelle unseres Lebens vertrauen, die jenseits unserer selbst liegt. Wir werden fähig, darauf zu vertrauen, dass Jesus kommen wird.

So wie er in unsere Vergangenheit gekommen ist, wird er wieder in unsere Zukunft kommen, in unsere privaten Konflikte und in unsere leidende Welt. Dann wird für uns Christen die Vergangenheit zum Vorspiel von etwas Großartigerem, und das "Komm, Herr Jesus" ist dann kein Schrei der Verzweiflung, wie in der Johannes - Offenbarung, sondern ein zuversichtlicher Ruf kosmischer Hoffnung. (*Richard Rohr in: "Auf dem Weg nach Weihnachten" - Herder, Freiburg 2013*)



Domëgna: 07.12: II. Domëgna d'Advënt: San Ambroje
Oferta por i boiügn dla Ploania



- 9.30:** Corona por +nta Simonetta Ponzini Zorzi
10.00: Rorate por i doturs, infermiers y amarês
Rorate por i grups de S.Vinzenz, KVV, 3. Monn
(Quartett Èi)
18.00: S.M. aniv.por +nt Dalla Santa Raimondo
S.M. por +nc' de Hansi y Zilia Erlacher dal Craizer
S.M. por +nt Pire Kaneider de lanesc
S.M. por +nc' Romano y Zilia Taibon dal Brocia
S.M. por +nt Adolf Pisching de Candido

Lön. 08.12: Gran Festa de S.Maria Imacolada

- 9.30:** Proa dal Cor dles Ères
10.00: Rorate por la Uniun dles Ères (cor dles Ères)
18.00: S.M. aniv. por +nt Hermann Craffonara Roalta
S.M. por +nta Comploi Iudita
S.M. aniv. por +nta Hilda Feichter Valciapa
S.M. de reng. dla vita de Rosa Rubatscher Feichter

Dédol. 09.12: Dedolönesc dla 2. edema d'Advënt: Sa Hanna, S.Huan Diego
Les Families vëgn enviades ala oraziun te familia

Dédem.10.12 Dedemesaledema dla 2. edema d'Advënt: Sa.Angelina, S.Georg

N.B.: **15.00:** Te salf dles Uniuns
Rorate por i Seniores (cor dai Seniores)

Jöbia 11.12: Feria d'Advënt: S.Damaso, S.Tassilo, S.Artur
Vijita te dlizia y cortina

Vëndr.12.12.: Bona Oma de Guadalupe: Sa.Johanna da Chantal

- 15.00:** Ora de adoraziun y oraziun
19.30: Rorate por por les Scores (cor dai mituns)


Sab. 13.12.: Sa.Maria in Sabato: Sa.Lizia, Sa.Otilia, S.Iodoch

- 17.00:** Poscibilitè da se pisié
18.00: Rorate por i Jogn dla Crusc Blanca
y por la musiga dai Jogn Val Badia

Domëgna 14.12: III. Domëgna d'Advent: Gaudete: Sa.Franzisca

Oferta: "Adventsopfer" por la Diozeja

- 9.00:** Proa dal Cor de Dlijia
10.00: Rorate por le Cor de Dlijia
18.00: S.M. aniv. por +nt Eckhard Taibon
S.M. por +nta Filomena Terrabona, Stofl da Val
S.M. de reng. en onù de S.Ojöp da Oies
por Fam Castlunger Hilda da Oies
S.M. por +nt Franz Feichter de Valciapa
3. Requiem por +nta Simonetta Zorzi Ponzini



2. DOMÈGNA D'ADVÈNT

Nosc dagnì è Gejù Crist

La Sacra Scritöra y la Liturgia dla Dlijia se mostra sö le tru, ch'i podun jì con fidonza, adencuntra la festa dal Nadé de nosc Salvatur-demez dal crabal y dal stres-éte tal chît de nusc cörs.

Neustädter Stadt- und Hofkirche, Hannover

BENEDISCIUN D'ADVÈNT

Le Signur nes benedësc
y nes scinches
empü'de CHÎT te cösc tomp
olche düc salta y à prescia.
Al nes lasces cialé CHÊL CHÎT
ch'i adorun por l'encunté,
por ch'i ne l'aspetunse nia debann.
Al nes mënes con la rosada la iustizia,
por che nosta speranza crësci
y renfreschèies nosc crëie stanch.
Al nes déides crëie
che Êl vëgn dessogü da nos
y ch'l l'odun, desco al è,
desco le Signur, che nes ô bun,
co ponsa a nos da canche i sun nasciüs,
le Pere, le Fi, le Spirit Sant.
Amen

(Herbert Jung)

Santa Maria Imacolada 8 de dezëmbër

Maria è gnüda stravardada dal piécé original y à cialé döta la grazia, deache ara èa destinada da gní la oma dal Fi de Dio.

Da ëra, vergine sonza macia, èdl nasciü Gejù Crist, che tol demez, desco agnel sonza colpa, i picês dal monn.

Ara è simbol y scomenciamont dla Dlijia co è la nùcia imacolada de to Fi, Dio onipotënt y etern.

Dan da düc i sané ëra en ejompl de santité y, tres söa interzesciun, cialfunse töa grazia, por nosc Signur Gejù Crist.

Por èl te lalda le cí y la tera, i angeli y la jont, y cianta deboriada le lalt de töa gloria.

Wegweiser

*weisen von sich weg,
wir starren
sie an.*

Manfred Hinrich



Sorvisc dai Ministróné

Lönesc 08/12 (10:00h) l'Imacolada: Daniel, Luca y Simon Comploi, Miller Suani, Vanessa, Max y Lucia Obwegs;

Lönesc 08/12 (18:00h) l'Imacolada: Mara Rungger, Kevin Sorà, Jasmine y Martina Ties, Lisa Comploi, Julia Erlacher;

Dédemesalèdema 10/12 (19:30h), Vëndres 12/12 (19:30h): Caroline y Daniel Piazza;

Sabeda 13/12 (18:00h): Florian, Stefan y Marlene Palfrader, Susanna y Mark Kastlunger, Catarina Frenner;

Domëgna 14/12 (10:00h) 3. domènia d'Advënt: Emma Sogorka, Sara Doria, Esther Comploi, Alice Daverda, Manuel y Alexa Ties;

Domëgna 14/12 (18:00h) 3. domènia d'Advënt: Maria Huber, Matthias Willeit, Gabriel Trebo, Marco Vavrek, Moriz Videsott, Matio Erlacher;

